



Համարը հ.ն-0774-1
Տիպը Որոշում
Սկզբնաղբյուրը ՀՀԳԽՏ 1993/6
Ընդունող մարմինը ՀՀ Գերագույն խորհուրդ
Ստորագրող մարմինը ՀՀ Գերագույն խորհրդի նախագահ
Վավերացնող մարմինը
Ուժի մեջ մտնելու ամսաթիվը 30.03.1993

Տեսակը Հիմնական
Կարգավիճակը Գործում է
Ընդունման վայրը Երևան
Ընդունման ամսաթիվը 30.03.1993
Ստորագրման ամսաթիվը 30.03.1993
Վավերացման ամսաթիվը
Ուժը կորցնելու ամսաթիվը

ՀՀ ԳԵՐԱԳՈՒՅՆ ԽՈՐՀՐԴԻ ՈՐՈՇՈՒՄԸ ԼԵԶՎԻ ՄԱՍԻՆ ՀՀ ՕՐԵՆՔԻ ԿԻՐԱՐԿՄԱՆ ԿԱՐԳԻ ՄԱՍԻՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՐԱԳՈՒՅՆ ԽՈՐՀՐԴԻ

Ո Ր Ո Շ ՈՒ Մ Ը

ԼԵԶՎԻ ՄԱՍԻՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԻ ԿԻՐԱԴԿՄԱՆ ԿԱՐԳԻ ՄԱՍԻՆ

Հայաստանի Հանրապետության Գերագույն խորհուրդը *որոշում է*.

Լեզվի մասին Հայաստանի Հանրապետության օրենքը կիրարկել հրապարակման պահից, իսկ

4 հոդվածի 2-րդ մասի «ա» և «գ» կետերը՝ 1993 թվականի հունիսի 1-ից,

2 հոդվածի 4-րդ մասը՝ 1993 թվականի սեպտեմբերի 1-ից,

3-րդ հոդվածի 1-ին մասը՝ 1994 թվականի հունվարի 1-ից:

Հայաստանի Հանրապետության կառավարությանը՝

ա) Հայաստանի Հանրապետությունում պետական լեզվաքաղաքականության իրականացման նպատակով ստեղծել կառավարությանն առընթեր Լեզվի պետական տեսչություն,

բ) մեկամսյա ժամկետում հաստատել Լեզվի պետական տեսչության պետին, տեսչության կանոնադրությունը և գործունեության ծրագիրը,

գ) վեցամսյա ժամկետում ընդունել Հայաստանի Հանրապետության լեզվական քաղաքականության պետական ծրագիրը,

դ) երկամսյա ժամկետում սահմանել սպասարկման ոլորտի այն ծառայությունները, որոնց վրա տարածվում է Լեզվի մասին Հայաստանի Հանրապետության օրենքի 3 հոդվածի 1-ին մասը,

ե) մինչև 1994 թվականի հունվարի 1-ը ապահովել.

- Հայաստանի Հանրապետությունում հայերենի ուսուցման հնարավորությունները բոլոր ցանկացողների համար, անկախ քաղաքացիությունից, ազգությունից, բնակության վայրից,

- հայատառ գրամեքենաների, հեռագրական սարքերի, հայերեն ստեղնաշարով համակարգիչների արտադրությունը կամ ներմուծումը,

- համակարգիչների՝ հայերեն ծրագրային փաթեթներով հանդերձավորումը:

Լեզվի պետական տեսչության պետին նշանակում և ազատում է Հայաստանի Հանրապետության կառավարությունը՝ Հայաստանի Հանրապետության Գերագույն խորհրդի կրթության և գիտության, լեզվի և մշակույթի հարցերի մշտական հանձնաժողովի համաձայնությամբ:

Հայաստանի Հանրապետության Գերագույն խորհրդի կրթության և գիտության, լեզվի և մշակույթի հարցերի մշտական հանձնաժողովը կարող է երկարաձգել սույն օրենքի 4 հոդվածի 2-րդ և 3-րդ մասերի կիրարկման ժամկետները առանձին ձեռնարկությունների, հիմնարկների և կազմակերպությունների համար:

Հայաստանի Հանրապետության Գերագույն խորհրդի իրավական հարցերի և կրթության և գիտության, լեզվի ու մշակույթի հարցերի մշտական հանձնաժողովներին՝ եռամսյա ժամկետում Գերագույն խորհրդի քննարկմանը ներկայացնել սույն օրենքին համապատասխան Հայաստանի Հանրապետության վարչական իրավախախտումների օրենսգրքում փոփոխություններ և լրացումներ կատարելու վերաբերյալ օրենքի նախագիծ:

Սույն օրենքի կատարման պատասխանատվությունը ձեռնարկություններում, հիմնարկներում և կազմակերպություններում անմիջականորեն և անհատապես դրվում է դրանց ղեկավարների վրա:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԵՐԱԳՈՒՅՆ ԽՈՐՀՐԴԻ ՆԱԽԱԳԱՀ**

Բ. ԱՐԱՐՔՅԱՆ

30 մարտի 1993 թվականի,
քաղ. Երևան
արձ. հ. 293, կետ 5
հ.ն-0774-1